

4.192

JURISPRUDENCE

—


~~38~~ PIÈCES


F. 8°


917


RESERVE

















inv 4192 RET -

F917

Juris. prudentia
36. Cab

Arrestor

36 p

36. lines

F917

ste
gener.

25/1/74
F.F.

Arrest de la Cour de 260

Parlement de Prouence, portant
condemnation de mort.

36

Contre Messire Louys Gaufridy originaire du lieu
de Bean-vezer les Colmars, Prestre Beneficié en
l'Eglise des Acoules de la ville de Marseille,
convaincu de Magie, & autres crimes abomi-
nables. Du dernier Avril mil six cents unze.



15

A PARIS,

Iouxtela copie imprimée a Aix, par Jean
Tholozan.


M. D. C. XI.

170

Arrêt de la Cour de

Parlement de Paris
concernant le mort

Le Roy a ordonné que les
dits Arrêts de la Cour de
Parlement de Paris
seront exécutés
selon leur forme et
contenu sans qu'il y
ait lieu de révoquer en
doute la validité des
dits Arrêts.



A PARIS

chez le Citoyen
Trésorier

M. D. C. L.



Extrait des Registres de Parlement.

VEV parla Cour le procez criminel & procédures faites par autorité d'icelle à la requeste du Procureur General du Roy, demandeur & querelant, en cas & crime de rapt, seduction, impieté, Magie, forcelerie & autres abominations. Contre Messire Louis Gaufridy originaire du lieu de Beau-vezers Colmars, Prestre Beneficié en l'Eglise des Acoules-de-la ville de Marseille, querele & prisonnier en la Cōciergerie du Palais. Procez verbal des preuues & indices de la possession de Magdaleine de Demandouls dicté de la Pallud, l'une des sœurs de la compagnie Sainte Ursule, tenuë pour possédée des malins esprits, obseruez & recognus en sa personne, dès le premier de Ianvier dernier, iusques au cinquiesme de Feurier en la Sainte Baume, par Frere Sebastien Michaëlis Docteur en Theologie, Vicair general de la Congregatiō reformee des Freres Prescheurs, & Prieur du Conuent Royal de Saint Maximin deüemēt attesté

par autres Peres en datte du vingtiesme dudit mois. Deliberation de la Cour contenant commission à Maistre Anthoine Seguiran Conseiller en icelle, pour informer sur les faicts de ladite accusation, & faire saisir & traduire aux prisons du Palais ledit Gaufridy du dixneufiesme dudit mois. Charges & informations prinſes par le Commissaire, & procez verbal de la saisie & traduction d'iceluy Gaufridy. Autre deliberation de ladite Cour contenant commission à M. Anthoine Thoron aussi Conseiller en icelle, pour ouyr ladite de la Pallud, & informer sur les faicts & entendis baillez par le Procureur general du Roy, & faire le procez audict Gaufridy conioinctement avec Messire Garadeau Vicaire de l'Archeuesque d'Aix ~~du dixhuitiesme~~ dudit mois. Auditiõ de positiõ, & cõfessiõs de ladite Magdalaine, touchant ledit rapt, seduction, & subornation d'icelle, en ce qu'est de la Magie paches, & promesses faictes aux malins esprits & autres abominations mentionnees au procez verbal du vingt vniesme dudit mois. Autre cayer d'informations prinſes par ledit Commissaire du vingt troisesme du mesme mois. Attestation de Maistre

Anthoine Merindol, Docteur, Medecin
 & Professeur Royal en l'Vniuersité de ceste
 ville d'Aix, touchant les accidens & mou-
 uemens estranges & extraordinaires arri-
 uez en la personne de ladite de la Pallud
durant le temps qu'il l'a traictée auant la
 manifestation de la possession d'icelle du
 vingt quatriesme dudit mois. Rapport
 fait par Maistre Jacques Fontaine, Louys
 Grassly, & ledit Merindol Docteurs, &
 respectiuemēt Professeurs & Medecins, &
 Pierre Bontemps Chirurgien Anatomic-
 ste aussi Professeur en ladite Vniuersité par
 ordonnance desdits Commissaires, sur la
 qualité des accidens extraordinaires qui
 arriuoient par interuales en la teste & cer-
 ueau de ladite de la Pallud & causes d'i-
 ceux, & sur la qualité, causes & raisons des
 marques insensibles estans en sa personne,
 & par elle indiquez, & encores sur la vir-
 ginité & defloration d'icelle, les vingtsi-
 xiesme & vingt septiesme dudit mois, &
 cinquiesme Mars dernier. Interrogatoires
 & responces dudit Gaufridy des vint si-
 xiesme Feurier & quatriesme Mars der-
 nier. Autre deliberation de ladite Cour,
 que ledit Maistre Anthoine Thoron Cō-
 missaire cy deuāt deputé fera & cōtinuera

L'etiere instructiō dudit procez dudit iour
quatriesme Mars. Proces verbal de la cō-
frōtation & cōtestation verbale d'être la-
dite de la Pallud & ledit Gaufridy du cin-
quiesme dudit mois. Rapport des marques
trouuees sur la personne dudit Gaufridy
suiuant l'indication faicte par ladite Mag-
daleine du huitiesme dudit mois de Mars.
Publication dudit rapport avec confron-
tation desdits Medecins & Chirurgiens à
ce commis & deputez par lesdicts Cōmis-
saires. Recollement & confrontation des
autres tesmoings dudit iour huitiesme
mars. Autre cayer d'information prinse en
la ville de Marseille des cinquiesme, sixies-
me, & septiesme Aupil dernier. Auditiō de
Damoiselle Victoire de Courbier preten-
duë d'auoir esté charmee par ledit Gaufri-
dy sur le fait & cause du trouble & indis-
position de son entendement, amour & af-
fectiō desreglee & scandaleuse enuers
ledit Gaufridy dudit iour sixiesme Ap-
upil. Secondes interrogatoires dudit
Gaufridy sur le fait de ladite informa-
tion contenant confession d'auoir charmé
ladite Victoire en soufflant sur icelle, des
douxiesme & seziemes dudit mois d'Aupil.
Procez verbal des confessions volontaire-

ment faictes par ledit Gaufridy des autres cas & crimes à luy imposez des quatorzième & quinzième dudit mois. Retractatiōs d'icelui du mesme iour quinzième Avril apres midy. Lettres de Vicariat de l'Euesq de Marseille à Messire Ioseph Pellicot Preuost en l'Eglise Metropolitaine de ceste ville d'Aix, aussi Vicaire de l'Archeuesque dudit Aix, pour à son nom, lieu & place faire iuger, & ordonner à l'encontre dudit Gaufridy son Diocezain, tout ainsi que ledit Euesque pourroit faire si present y estoit, du dixseptiesme dudit mois. Procuration faicte par ledit Gaufridy par deuant ledit Preuost, en ladicte qualite de Vicaire, afin de poursuiure la restitution des cedulaes y mentionnees aux qualitez y contenuës du dixneufiesme dudit mois. Ordonnance dudit Conseiller & Commissaire, & dudit Messire Pellicot, tant en quallite de Vicaire dudit Euesque de Marseille, que cōme Vicaire dudit Archeuesque d'Aix, que ladite de la Pallud seroit recollée sur les auditions & depositions, & de nouveau confrontée audit Gaufridy. Autres & secondes confessions par luy faictes & reiterees respectiuelement les vingt-deuxiesme & vingt-

troisiesme dudit mois d'Auril, conforme-
ment aux premieres. Autre rapport des-
dicts Docteurs en Medecine & Chirur-
giens sur l'abolition des marques de ladi-
te de la Pallud, reſtabliſſement & viuifica-
tion de tous les endroiſts d'icelles deſi-
gnees au precedât rapport du vingt-troi-
ſiesme dudit Mars. Procez verbal des
interruptions & accidens extraordinaires
ſuruenus durant la confeſſion de ladite
Magdaleine, torture & torments par elle
ſoufferts, & paroles exprimees par ſa bou-
che, outre & par deſſus le contenu auſdi-
tes interrogatoires & reſponces, atteſtatiõ
de l'abolition, reſtabliſſement, & viuifica-
tion deſdites marques aduenues le iour &
feſte de Paſques durant la celebration de
la Sainte Meſſe. Iugement des obieſts,
& concluſions du Procureur general du
Roy, ouy ledit Gaufridy en la Chambre,
& le rapport du Commiſſaire ſur ce de-
puté.


DICT A ESTE Que la Cour a de-
claré & declare ledit Lo uys Gaufridy, at-
taint, confez, & conuaincu deſdits cas &
crimes à luy impoſez, pour reparatiõ deſ-
quels l'a condamné & condamne, d'eſtre
liuré ez mains de l'executeur de la haute
Juſtice


264
Iustice, mené & cōduict par tous les lieux
& carrefours de ceste ville d'Aix accoustu-
mez, & au deuant la grande porte de
l'Eglise Metropolitaine Sainct Sauueur
dudit Aix, faire amande honorable teste
nuë & pieds nuds, la hart au col, tenant
vn flambeau ardent en ses mains, & illecà
genoux demâder pardon à Dieu, au Roy,
& à Iustice: Et ce faict, estre mené en la
place des Prescheurs de ladite ville, & y
estre ards & brullé tout vif, sur vn buscher
qu'à ces fins y sera dressé, iusques à ce que
son corps & ossements soyent cōsumez &
reduits en cendres, & icelles apres iettees
au vent & tous & chacuns ses biens ac-
quis & confisque au Roy. Et auât estre e-
xecuté sera mis & apliqué à la questiō or-
dinaire & extraordinaire pour auoir de sa
bouchela verité des complices. Et neant-
moins auant que d'estre procedé à ladite
execution sera prealablement remis entre
les mains de l'Euesque de Marseille son
Diocezain, ou à son deffaut d'autre Prelat
de la qualité requise pour estre dégradé à
la maniere accoustumee.


Faict au Parlement de Prouen-
ce seant a Aix, & publié à la Bar-
re & audict Gaufridy en la Con-
ciergerie, lequel à mesme instant à
esté appliqué à la question ordinai-
re, & extraordinaire, presëts Mes-
sieurs les Commissaires depputez,
& sur les cinq heures apres mid y à
esté executé à mort, ayant au pre-
alable esté degradé par le sieur E-
uesque de Marseille son Diocè-
zain, dans l'Eglise des Freres
Prescheurs dudit Aix en presence
desdits sieurs Commissaires, sui-
uant la forme & teneur du present
Arrest, le dernier Aupil mil six
cens vnze.


Signé,


MALIVERNY.











4.19

JURISPRUD

37

F.

91

RESER



